


KUVUNWA KUKKWENE

 Ndali kubaanga nsezyi cintu ca kwaamba kuseeni okuno. Ndali kkede alya a Mukwesu Egan, elyo Nda kamvwa . . . Mukwesu Neville wakali kwaamba cintucimwi, nkabela bakalangide kuli ndime. Elyo Nda ambila Mukwesu Egan, “Sena wiita ndime?”

Elyo wati, “Ula cita.”

² Elyo mpawo mpaawa Ndili awa kwaamba cintucimwi kuseeni okuno. Ndali kuyeeya, cindi ni Nda . . . I faani alya, awo mpoba . . . kukwela jwi, iboneka buyo kuli kwela ncobeni, cindi wano ambaula. Ci boneka kuti faani igwisya jwi cakufwambaana.

Ndali kumvwa loko . . . bumboni cindi Neli omuya nke kombela mwanakazi aa fooni. Elyo oyo waka tambula mulumbe, kaluba kubikka dolopo lya busena kwa kwiitila, kuzwa ku mukaintu wa Dr. Morrison. Elyo Ndila mwaambila nconzyo Nce cita, ku mupailo wako onse, a wangu. Nda kabikka janza aa fooni, akutondeka ku mweelwe, kufumbwa mbowa kabede, akulomba Muuya Uusalala kuya ku mwanakazi. Aboobo Ndi yeeya kuti Na kamvwa mbubonya buyo Mbwa kalinoba ikuti na twa . . . Mwabona? Alimwi Nda kalibikka buyo ansi. Alimwi inga yamba nzila eyo Mwami nja kali kuyanda. Mwabona? Kwayanda cakalino bota obo.

³ Elyo mpawo Nda kamvwa bumboni kuciindi Ne kali omuya, bwa umwi kaamba kuti Mucizi Rook waka jisi . . . Ndila syoma Mukwesu Neville wakaamba kuti waa kajisi ii—ii kulebuka kwamizeezo, mbuli. Atu jatilile kuli Leza kuli ceeco, kuyeeya buyo eci cintu comwe: Leza ulibazyi Bakwe Beni. Uli bazyi boonse konse.

⁴ Sa inga mula konzya kumvwa kabotu kusule? Ikuti na tamu konzyi, kuli zyuuno zita kkedwe atala awa. Inga mwacinca ikuti na mula yanda. Elyo, atu bone, sa *eyi* ni maikki yeendelezya? [Mukwesu wati, “Peepe, munene.”—Mul.] Eyi abusena *awa* ni maikki yeendelezya na? Kabotu. Tula bona na inga twa jana eyo aniini muni loko. Ino kujatikizya mpoonya awa, Gene? Eco cilaba kabotu. Elyo ziindizimwi Nda anga jwi asyoonto; Nda kali kukambauka akubwene aniini. Sa kuli kabotu? Sa inga mwakonzya kumvwa kabotu?

⁵ Elyo tula yeeya nconzyo ezi mu mupailo. Alimwi tu yanda kulungulula muswaangano wabulemu kuzwa kumusanza mu . . .

Sena Ndi langide ku Mucizi Rook? Ndali kuyeeya kuti Ndi langide ku mulindu kusule awa wali kuboneka mbuli nguwe. Ndali kuyeeya kuti, “Incobeni Nsya ambauli kubili awa.” Ndi

langide umwi uboneka mbuli nguwe, kutozuya kusule. Uli mu Cibbadela ca Saint Edward.

⁶ Elyo aboobo, ku Cleveland, Tennessee, amwalo mu California, twa kajisi miswaangano yabulemu. I Mwami wakaleleka kapati, nkabela zintu zinji ezyo Nzya kacita. Elyo tuli kkomene kuli ceeco. Cakukkomana inga twajoka ku nkamu yesu, kulungulula bubotu a luse lwa Leza. Nje nzila mbo bakacita mu Bbaibbele.

⁷ Ndali kulumba Mukwesu Neville, na mupailo wa Mukwesu Beeler, nzila mbwa kombela bantu, a—a kulombela lugwasyo a luse. Elyo ikuti na tuyo langa buyo ambali, nywebo lyoonse, zintuzyonse zila zumanana, muya kujana kuti kuli cintucimwi cini cakasimpe kujatikizya ncico. Elyo mpawo cindi Mukwesu Neville nasika a kuleta aba bamadaikona, abamwi, atala awa aa cibumbili, ku—ku kwaamba zilongezyo zya Leza ali i—i mulumbo wa mbungano, Nda mumvwa kaambaula mu mupailo wakwe kuli Leza, kujatikizya abo baalumi, obo mbo bakombelana. Elyo eco cilandi gwasya kumvwa mweembeli ukonzya kukombela bamadaikona bakwe, a bamadaikona kujosya kukombela mweembeli. Cindi wabona mbungano kai beleka antoomwe mbuli boobo, kabotu, cintucimwi cilaafwi kucitika. Eyo nje nzila mbungano mbo yeelede kuba mu ncililano. Alimwi cindipa muyeeyo wa cibalo. Nda kali kukanana aa cilongezyo ku Kadeshi, a kukaka kumvwa bulunguluzi bwa basikutwela, pele mpawo Nda cinca muzeezo wangu, ku cintucimwi cimbi mpawo.

⁸ Elyo lino, kumakani a kuponya, Ndi jisi bumboni buniini Mbwe yanda kupa. Nda kali mu bulangizi kuti inga Nda mubona mulombe wangu, Billy, kusule okuya, pele uli bujisi mu nkomo yakwe.

Elyo Billy uya buba kabotu mu miswaangano, kwinda Mbwa kabede. Wakali libilikide, kunyonganya, alimwi wakali kunga waambila bantu kuti, “Oh, kamuya mukkale. Kamuya mukkale.” Kwaamba, “Njo—Njo mupa makkadi aamipailo.” Pele Nda kabona, calino, kuti kuya kuba bantu mu muswaangano abo mba etelela loko. Ikuti na tajisi makkadi aamipailo asyeede, mpawo uyo abikka mu kaanda kutegwa Nda unka kuyo apailila.

⁹ Elyo cintu eco cakacitika ku Chicago ciindi cainda. Elyo Ndi yanda kubala lugwalo olo ikuti na wa boola mukati. Nse na mubona. Taa zyi kuti Ndali kuboola kuseeni okuno, kubusena okuno, alimwi—alimwi yanda—yanda lugwalo. Pele Ndali kuluyeeya cindi Ne yeeya zya kuciswa kunji. Alimwi njeeyo nzila mboibede. ndugwalo lwaka simpikizigwa kuti . . .

Nda kali kubala mu mutende, (Nse na; ka ambilwa) oko mitende nkoya kali kujana butongo kuli Oral Roberts, ku kupailila mwanakazi oyo waka jisi dayabbetisi nkabela wakafwa. Elyo Mebo, mbuli muna America, Ndi—Ndi yanda

kuswiilila ku milao a—a mwaalumi oyo uli mu bwami. Pele Ndi yeeya kuti eco ta ciluleme. Ndalibuzya ikuti na bali libambilide kubikka, mu mutende, bonse abo Oral Roberts mbaka kombela a kuponesegwa, abo bamadokotela mbo bakalanzayabuyo meso. Nda libuzya, bala cisintanya ncobeni kujosya konse lomwe, mwabona. Inga teeba cicita eco. Elyo mpawo Ndi yeeya kuti ndiza dyabulosi waka bapalanganya buyo kapatu, cakuti, alimwi Leza ku cizumizya, kuti ku Buzuba bwa Lubeta baya kupeda bwiinguzi kuli ceeco. Pele Ndi lizyi bantu bali zyuulu abo Oral Roberts mbaka kombela, abo bakali kufwa, nkabela bali kabotu.

¹⁰ Aboobo, nywebo mwabona, balo, tabali kabotu kujatikizya ncico. Bayoopa ku lubazu lwabo, lubazu lwabutongo, pele taba kapi lubazu lumbi. Lino, mutende weelede kuzibya zintu zicitika ku buleya bweelede cabupya. Mpawo Ndi yeeya kuti, ikuti na bantunsi bala bikkilana maanu, ikuti na muntumwi wa ponesegwa, kuponesegwa ncobeni, mitende yonse mu United States yeelede kubweza caano ca ncico. Pele tokonzyi kubapa ncito ya kucicita. Peepe. Wa bweza cintucimwi mbuli ceeco okuya, bayo sekelezya ansi a ku ciseka, ku cijosya. Pele lino ikuti na kuli cimwi ca kukazya. . . Ciinka buyo kutondezya kuti eci cisi cili libambilide ku lubeta. Mbubo. Elyo kweelede kuba lubeta, alimwi kwiina nzila ya kuciloboka. Elyo balundika buyo mulilo atala lya mitwe yabo, abumwi. Elyo eco ii—ii. . . kutakamantana, ku milazyo! Ii mutende, milazyo yayo, nku—nku zibya buleya cili conse cibotu a cibbi, eco cicitika. Pele bali kule kuzwa ku milazyo yabo. Elyo cindi banooli kule kuzwa ku milazyo yabo, mpawo ta—ta baka belekele bukanze bwabo kabotu.

¹¹ Elyo nje nzila mboibede ku mbungano. Cindi mbungano yanooli kule ku milazyo yabo, inga tiiya belekela kabotu basalali. Twe elede kukkala antoomwe, tweelede kukamantana. Twe elede kuba moyo omwe a kuzuminana komwe. Na, tuya kubelekela Leza na bantu, cita kuti tuli moyo omwe a kuzuminana komwe, kwiiminina milazyo ya Bbaibbele a zintu Leza nzya kaamba zili kabotu. Twe elede kwiima azyo lyoonse.

¹² Billy kapatide mu kaanda, ku Chicago, walo. . . Umwi waka musikila, mwanakazi a mulumi wakwe, waka jisi kkulenge ku mapunga, kafwa. Elyo mukaintu wakwe wakali mulwazi wa polyo mu whiluceya, elyo walo kasola kumamela mwaalumi wata kali kukonzya kwiimikila, waka jisi kkulenge ku mapunga akwe. Elyo Billy waka mwaambila, wa kati, “Nda—Nda usa, munene.” Kati, “Ni ndakupa kkaadi lya mupailo cakukkumana.” Elyo wa kati, “Pele Nse—Nse jisi limbi limwi lisyeelede.”

¹³ Elyo wa kati, “Ee, ncibotu, mulombe.” Wa kati, “Oku kuli kabotu.” Kati, “Twa soleka kuboola kokuno, pele kulaangulula loko kuli ndiswe.”

¹⁴ Billy wakati, “Nda mwaambila cakucita.” Kati, “Nda inka kuyo leta bataata. Elyo Ndiyo baleta mukati, nkabela

Njo bagusya.” Elyo kati, “Cindi Nda cita, mbo mutamvwide buyo Mulumbe wakwe,” kati, “mpawo mu bweza zyanu. . . na mukaintu wako a nduwe, a kunjila mu kaanda kaniini okuya Mwe inda, nkabela Njo bacitya ku mukombela.”

¹⁵ “Oh,” wa kati, “oko nkusyomeka, mulombe. Oko nkubotu loko.” Mwabona? Nkooko ii—nkooko kulanganya. Mwabona? “Nkubotu loko. Kuli kabotu.” Mwabona?

¹⁶ Elyo obo busiku, Billy, cindi na kajokela okuya, ka cilwana eco nca kaamba, kuti wa kajisi mulamwe wakwe musankwa alya wakali kuzwa malowa ku mapunga. Elyo mulamwe wakwe musimbi alya, oyo wakali kuzwa malowa kuzwa mwida, a maausa, alimwi baka boola mukati ambabo, kubaanga nkuba ku lubazu lwa kubagwasya kunjila. We elede kulangilila, inga kwaba kaanda konse kazwide, yebo wabona. Pele kwinda mukati a kuba kombela, twa kajana lugwalo kujoka, kwiinda mu mposo, kuti oyo mwaalumi waka ponesegwa cakumaninina ku kkulenge lya mapunga. I mwanakazi, mukaintu mu whiluceya, uli kabotu, kaenda kabotu konse mbuli mbwa kabede lyonse. I mwaalumi waka jisi kuzwa malowa ku i—ku mapunga, kuzwa kukuzimba kwamapunga, wakaponesegwa cakumaninina. Elyo mukaintu wakwe waa kaponesegwa ku maausa. Bone baka ponesegwa, cigaminina! Nda libuzya ikuti na mitende inga yayanda kulemba ceeco. Mwabona? Mwabona? Mwabona? Oh! Leza ucili Leza. Ula cita zintu mu nzila Yakwe Mwini, nywebo mulizi, alimwi Walo uli kabotu loko. Tuli kkomene kapati kuziba kuti Ngu Leza.

¹⁷ Twa kali kwaambaula kuseeni kumwi kujatikizya mukambausi muniini oyo ngo tuzi, oyo wakali kuunka koonse, kakombela baxiswa a zintuzyonse. Elyo wa kaunka kuyo kombela muntu mu cibbadela mu Louisville, nkabela cilwazi ca kuzimba kumapunga, mulindu wakafwa. Mulombwana muniini wakati, “Ee, taku yandikani. . . Leza takonzyi. . . Takukwe Leza pe. Na kazulizya Ijwi Lyakwe.” kati, “Nda kamunanika mbubonya mbuli—mbuli Bbaibbele mbolya kaamba. Ikuti na Ta zulizyi Ijwi Lyakwe, Tali Leza pe.” Kati, “Ndi bbuku buyo.”

¹⁸ Lino, eco nicaka boneka mbuli obo cita wakali muzyi Leza. Eco ncibeela ca Magwalo, pele tacili conse ca Lugwalo. Ci yaamide a mbaakani ya lusyomo lwa mugame. Mwabona?

¹⁹ Elyo Nda kaambila mukaintu wangu, Nda kati, “Kwakali zintu zinji maningi zya kacitika, ezyo Nze zyi kuti nkozili. Ta ndizi ciya kucitika kuli ndime ku mamanino. Inga ndainka nzila njionya. Ikuti na Leza wasola kupusya janza Lyakwe lya luse kuzwa kuli ndime, Njo unka nzili njionya. Pele kufumbwa kuti Ka bikkide janza Lyakwe lya luse a bweenzyi ali ndime, Njo zumanana.” Pele Nda kabuzya Meda, Nda kati, “Wakali ni mu kaanda kuseeni oko kuzwe cilengaano ca ndime kubona musimbi wangu muniini, Sharon?”

20 Acimbi eno, buzuba bumwi, Nda katii wizuke. Nda kali kkede mu kagwagwa. Elyo muli kazi kaano ka cilengaano cakwe, kumane. Elyo Nda kalanga, kuboola ku lubazu lwangu, nkabela kwakasika musimbi mukubusyi kaselemuka kagwagwa omuno mu Jeffersonville, kwakali mbubonya mbuli eco cilengaano. Nda kacita kukwempa buyo maanza angu antomwe. Kalibonya loko mbuli eco cilengaano ca Shalon wangu muniini! Waa kali mwanakazi mukubusyi mpawo.

21 Elyo kumane eco cilengaano kuseeni oko, cindi mu Bulemu, Nda . . . Hope wakali kundaambila, waka gwambatide ciwezo nang'u, kati, "Uta pengi kujatikizya ndiswe, Bill. Tuli kabotu loko." Nda kali kusola kulijaya. Elyo waa kati, "Uta pengaani. Kondi syomezya kuti tocika pengaani limbi."

22 Elyo Nda kati, "Nse konzyi kucisyomezya, Hope, nkaambo Ndi—Ndi—Ndili . . . Nda pengaana. Nse konzyi kucicinca."

23 Elyo Nda kazwa mu cilengaano, nkeimvwi mu kaanda ka mudima. Elyo kutali cilengaano, kutali kweezeezya, pele kuboko kwakwe wakacili ndigwambatide. Elyo waa kali kunduumama. Nda kayeeya, "Lindila aniini. Eco tacili . . ." Nse zyi mwa kuciita mu mazuba ayo, cilengaano. Nda kaciita kuti kunyangwamuya. Nda kati, "Eci nci . . . Janza lyakwe nkoli cili." Nda kati, "Sa uli waano, Hope?"

24 Waa kati, "Bill, kondi syomezya kuti tocika pengaani limbi kujatikizya ndime a Sharon." Nkaambo, Nda kali ku magolelo aa lweendo. Nda kali libambilide kulijaya.

Nda kati, "Nda kusyomezya." Elyo waka ndigwambatila, aku nduumama a janza lyakwe.

Elyo mpawo Nda—Nda kati, "Hope, uli kuli?" Nda kajata . . . kalimvwa, mane Nda kajata nketani niini aa mumuni a kwiidonsa. Nda kazinguluka a kuyandaula monse mu cuuno, ikuti na waa kali kkede alya.

Ngu Leza. Walo ucili Leza mbubonya buyo, asunu, mbuli Mbwa kabede aa Kusanduka kwaku Cilundu cindi Musa a Eliya niba kalibonya. Walo ucili Leza.

25 Inga twa inda mu mapenzi manji a masukusyo. Amuyeeye buyo, kuli Umwi Oyo uuzyi, uumwesya nzila, kwiibamba kasimpe. Nse zyi cintu cili kunze lya cisitilizyo. Pele Ndi cizi cintu comwe, Ndi bindaanina ku mbaakani ya kwiitwa kwaatala, abuzuba, kusola kuponena oko kucitika kupati kuyooaba buzuba bumwi; cindi Nda ku Mu bona, busyu ku busyu, a kwaamba kaano, "Kufutulwa ku luzyalu." Obo mbo buzuba Mbwe ponena. Kusiya zintu ezyo kusule, ezyo ziliko, Ndi yanda kubindaanina, kuyabuya buyo.

26 Ndi yanda cikombelo eci, eno kuti muli ku matende anu, Ndi yanda kuzumanana kubindaanina ku mbaakani ya kwiitwa kwaatala. Kufumbwa nco mucita, amujatane kapati

antomwe, amube nkamu iyandana lwayo mbuli mbo kukonzya, pele lyoonse a kuboko kutandabikidwe, kusika a kubweza umwi umbi, ku baleta mukati. Pele mu Lusyomo olu ndyo tukambauka lino a kulwanina cakusinizya, muta sunzuki inchi omwe kuzwa kuli Ndulo. Nkambo, ikuti na mula ndisyoma kuba mulanda Wakwe, a bubambe obu kuba bwa Leza. Ta bukabi bwa banabunji. Buyooba lyoonse bwa banabusyoonto, lyoonse bwakali alimwi lyoonse buyooba. Pele, amuyeeye, kuli lembedwe, “Uta yoowi, Okatanga kaniini; nkuyanda kubotu kwa Uso kumupa Bwami.”

²⁷ Lino, kuli nkamu ya milimo iya mbungano yesu, bamadaikona, basyomesi, mweendelezi wa kwiiya kwa Munsondo, beembeli, mbuli mbungano yesu mbi bambidwe mu matobelanwa. Eyo nywebo, nobantu, mwaka sala basilutwe aba a mweembeli oyu. Ndili buyo mulinguzi wakonse, kubona kuti yeenda kabotu, a kupa lulayo a zimwi. Mula sala mweembeli wanu, mula sala basyomesi banu, mula sala basyomesi banu, mula sala bamadaikona banu, mula sala mulimo onse uliko mu mbungano eyi; nywebo, nobantu. Alimwi mbulizi bwanu kwiiiminina abo baalumi, mwabona, nkambo bayo lubizya. Bantu bafwika. Balo mbantu buyo, alimwi bayo lubizya. Pele ikuti na Muleli wa United States wa lubizya, sena tula mugwiya, mbuli Muleli? Tula luba kujatikizya ncico a kuzumanana. Eyo nje nzila njo tuyanda kucita mbungano yesu lino. Ndali kuswilila kapaila, maminiti masyoonto ainda, ka pailila abo bamadaikona. Elyo kumvwa kusule okuya, bumboni, ku mulyango, kuzwa ku basyomesi, obo mu kuzuminana komwe nko mujisi nyoonse. Lino amukkale munzila eyo. Lino, nomamembala amwiime muni lya baaba basyomesi, bamadaikona, a mweembeli. Elyo amuyeeye, cindi mwaba antoomwe, amuyeeye, kuti ni ncito ya dyabulosi kubona kuti mwa pambukana. Lino yakali obo lyoonse alimwi iyooba. Pele amwiiminine basilutwe banu, alimwi oyo wakali mubandi Ngweli kuyanda kwaamba.

²⁸ Elyo mpawo Nda kali okuno akwalo kwa...cintucimwi caku boodi lya kuzibya twaambo kuseeni okuno, kujatikizya muswaangano wa maboodi a bwami bwa ngawo. Elyo kuyooba a boodi lya kuzibya twaambo. Elyo Ndi jisi kkopi ya Mukwesu Roberson, uli ngu sicuuno wa da- . . . wa basyomesi. Elyo mpawo Ndi jisi kkopi ya Mukwesu Collins, Mbwe yeeye, oyo wiiminina sicuuno wa boodi lya bamadaikona. Elyo lino, onse aya maofesi ali bikkidwe mbuli Lugwalo, alimwi eeledede kuba a milazyo ya Malembe yanzyo beeledede kucita. Nkikaako, basyomesi bali jisi ofesi lyabo beni. A bamadaikona bali jisi ofesi lyabo beni. Mweendelezi wa kwiiya kwa Munsondo uli jisi ofesi lyakwe mwini. A mweembeli ngu mutwe wa butanga.

²⁹ Lino, umwi aumwi wabaaba uli jisi zintu zikozyanya. Elyo Ndi yeeya kuti muswaangano wanu ta weeledede kuba antoomwe,

pele weelede kuba ofesi kuligama, nkaambo bamadaikona taba jisi ca kwaamba ku basyomesi citakuti bajisi mulimo umwi wakupa kuli mbabo. Alimwi bumwi bumbi, basyomesi balanga zyamali a zintu zya buyake; taba jisi cakucita a bamadaikona. Bamadaikona balo mbamasilikali ba mbungano, a bagwasyi ku mweembeli. Alimwi basyomesi balo mbajata lubono lonse. Basyomesi taba jisi cintu cakucita a mamanino akumuuya kuli ncico, alimwi daikona ta jisi cakucita a zyamali kumamanino awo. Nkikaako, ceelede kuba. Alimwi mweendelezi wa kwiiya kwa Munsondo ulanga kwiiya kwakwe kwa Munsondo. Aboobo Ndi cijisi conse kacilembedwe, cakataipwa, kuba a boodi lya kuzibya twaambo.

³⁰ Elyo mpawo akwalo tuyo jana, ku bubambe, Njiisyo eyo mbungano njo iminina, a Kwi bikka mu bubambe omuno, mu mbungano; eco nco twiminina, i—i milazyo, Njiisyo ya mbungano. Lino, kuba mbungano, twe elede kuba a njiisyo.

³¹ Ta tulembi ansi ku cikunguzyo cimwi, a kuti, “Tu sakana buyo mbuli *obu*.” Tu sakana buyo mbuli obu, a luswaanano ku muntu onse, kuti Leza uyo tulekela kuunka, mu Magwalo Aakwe, ku bantu. Elyo lino amu jatane antoomwe, mube akuzuminana komwe, moyo omwe, a kuyabuya kubelekela Leza. Eyo nje nzila Leza njayanda kuti katucita.

Lino atu kombe, elyo mpawo kujula Ijwi.

³² O Mwami uuyandwa, lino tulaafwi kusika ku Ijwi lya Buleza, na kubala kwa Ijwi eli. Akube kuti Muuya Wako Uusalala utu pandulwide eco nco tubulide. Elyo atu kanane, Mwami, a kucita a kupona, mukuziba kuti toonse tuli bana Bako, ku luzyalo, mbuli Mbo katwiita. Akube luswaanano mu mbungano eyi, mukubona kuti tulaafwi kuyutukila mu mulimo umwi mupati, tula limvwa, wa kuleta bakutausi bambi kuya mu masena akubelekela oko, ikuti na Uyo ndituma mu zibeela zyandeene zya inyika, kuyo yaka Lusyomo, akuba a mukutausi ubambidwe a uyanda, awaka yiisigwa kutola busena. Elyo akube Lusyomo lwa kasaanguna kupegwa ku basalali, olo ndo twiiminina acamba, kuba mubalo kuzunguluka inyika. Ko cipa, Mwami. Akube kuti eci cilwi ciniini cansaku, mbuli mbo cakabede buzuba bumwi cindi nitwa ka cituula kuli Nduwe, akube mbungano ibuka awa, Mwami, kuti kuzwa kuli njiyo ku kaunke bakutausi a bavangeli a bamaiyi, a mmissionari, ku zibeela zyonse zya inyika.

³³ Inga twa lomba, kuseeni okuno, cilongezyo cisalesale ca Mukwesu a Mucizi wesu Stricker abo bali mukupengaana eno. Pele tu lizi kuti toonse tula bikkwa ku masunko aya. Onse mwana usika kuli Leza weelede kukomwa, kusolekwa. Elyo ikuti na twa leka cabuteteete, akujoka, nkokuti tuli bana bamusokwe, akutali bana ba Leza. Kopa Mukwesu a Mucizi Stricker nsana a nguzu, kuti bajatilile ku malizi amilimo yabo. Ikuti na beelede kulomba eco cakulya ncobalya, lekela janza Lyako lya zileleleko libe ali mbabo. Nkambo ta tuzyi pele kuti inga kwaba kwiinda

mu ncito eyo njionya kuti Uka tondezye sicisi muna Africa obo Munakristo wini mbwabede. Ko cipa, Mwami. Lino cilekele conse cicitwe kweendelana ku luyando Lwako.

³⁴ Longezya oyu mweembeli, Mukwesu Neville. Twa lomba, Mwami, kuti Uka mubamba kuba mweembezi wa butanga, mbuli Mbo wakacita kaindi. Elyo inga tii twaluba mukaintu wakwe, muniini mubotu oyo ucisidwe kapati. Sinkondo uyanda kusiila Mukwesu Neville eco cibunga ca bana, kakunyina banyina, pele twa imikila a busena, ku lusyomo, Bulowa bwa Jesu Kristo akati ka sinkondo oyo a mucizi wesu. Akube kuti Muuya Wako, Mwami, ube mulemu ali nguwe, mukuziba kuti boonse banakazi bakasalilwa kweenda mu kkuti eeli, Iya mudima wa kukomena oku, pele twa komba kuti Uyo oba anguwe. Longezya abo bana baniini. Uyo libilika lino, aku takkalikila, pele akube kuti Muuya Uusalala ube ku mulyango wa luse, ziindi zyoonse, ku mukwasyi oyo.

³⁵ Longezya boodi yesu ya basyomesi, Mukwesu wesu Wood, a Mukwesu wesu Egan, Mukwesu Roberson, a boonse bambi, Mwami. Bamadaikona, basyomesi, aboonse baswaangene mu mbungano, twa lomba, Mwami, kuti Uyo balekela kubeleka kwa ciindi cabo cipedwe a busalali alimwi—alimwi a bululami. Longezya abo, Mwami, baka beleka mu ciindi cakainda. Elyo twa lomba Uyo zumanana kuba andiswe toonse, kuti tuya kuzibwa mbuli mbungano ya lukamantano, a Muuya a luyandisyo Iwa Mwami. Twa lomba lino kuti Uyo abaula Ijwi kuli ndiswe, mbuli mbo tubulide, mbuli mbo tubala kuzwa mu Ijwi Lyako lilembedwe. Nkambo twa cilomba mu Zina Iya Jesu. Amenii.

³⁶ Elyo mu kupaila, Ndali kuyeeya mbuli mbo twali kulongezya na kulomba zilongezyo kuli yasunu yesu. . . boodi yesu mpya ya basyomesi abamwi, Ndali kuyeeya Mukwesu wesu Fleeman a Mukwesu Deitzman abamwi bakkede awa, abo bakabeleka kabotu, kale. Elyo tu yanda kulumba kuli Leza ku milimo yabo ya kusyomeka. Akube kuti Mwami abe ambabo lyonse, kubalongezya a kuba gwasya. Ndi yanda kubala kakutana. . . Amuyeeye buyo lino, boodi Iya kuzibya twaambo a zimwi, a miswaangano iboala.

³⁷ Elyo tuli boteledwe kuba andiswe, kuseeni okuno. . . Ee, Inga ndacaamba boobu, muntu wakali muyandisi kapati kuli ndime, mu ziindi zyakainda, a muyandisi lino, mukwesu mubotu, Fred Sothmann, uuzwa. . . a mukaintu wakwe, bazwa ku Saskatchewan, Canada, oyo uli andiswe kwendeenda, mu cisi cesu, sikweendenda; pele mu luswaanano lwesu, mukwesu uuyandwa, Mukwesu Fred Sothmann uukkede alya. Ngu wakeendelezya miswaangano yanguzu yangu cindi Ne kali mu Canada.

³⁸ Elyo umbi mukwesu muyandisi awalo wakali muna Canada, wa kali simakwebo, a ukonzya kutondezya ku inyika kuti

tokonzyi kumwiinda Leza mukupa. Walo a mulongwe wakwe wamunsi bakatalisya kabunga kamali akuyaka busena, na misioni yaku masi ambi, na kabunga kamali. Elyo baka ndiita ku Oakland, ku muswaangano, a kwaamba kuti baka jisi mali. Baya kuugwasya onse, mu kabunga kabo kamali.

³⁹ Mukwesu Fred a Mebo twa kasola obo ku mali ayo Mukwesu Fred nga kajisi, kuti Nse kabwezi mbuli mugame. Aboobo mpawo twa kayeeya kuti inga twaapa ku bantu bana Canada akuta bwezelela nouba mulumbo, pele tiiwa keenda kabotu loko. I miswaangano yakali kabotu. Pele nkaambo tii twaka bwezelela mulumbo. . . Ta ndikwe makani na mbungano ijisi madollar amabbilioni ali mwaanda, mu cijisi nkongole kuli nguwo, kuli Leza, kubwezelela mulumbo. Eco ncibeela ca kukomba. Elyo mula ubba oyo. . . Mbuli buyo Mbwe kali kulwana mali a zintu mbuli ezyo, Nda kajana kuti, cindi muntu alubila, inga cabotu akwalo kuzumina kuti uli lubide, nkaambo Mukwesu Fred a Mebo twa kacibona cakukazigwa kutali kabotu loko.

⁴⁰ Elyo, Mukwesu Borders, cindi Ne kasiya Mukwesu Fred akuselemukila ku Oarkland, Nda kati, “Uta ciciti. Ko inzya buyo mutiba wa mulumbo, kobwezelela mulumbo, alimwi, kufumbwa mbo ubede, ujosye mu kabunga kanu kamali ku muswaangano umbi kubusena bumwi.”

⁴¹ Elyo miswaangano kaitana kujala, Mukwesu Border a beenzinyina bakandi sikila, a kuti, “Mbuli mbo twa bikka mu i—i muswaangano, wa bwezelelwa kale.”

⁴² Elyo mpawo, mazuba masyoonto akainda, wa kabamba muswaangano mu San Jose, California, oko Nkwa kajisi, Ndi yeeyela kuti mabungano ali makumi acisambomwe na makumi alilusele mu kkuti, aka jisi lusyomo lonse lwiindene kaabelekela antoomwe. Twa kajisi muswaangano mubotu loko, a kubweeda alubo, mu Vumbipati. Tuli boteledwe kuba andinywe antomwe aswebo, Mukwesu Borders a Mukwesu Fred bakkede kusule okuya. Elyo aba baalumi mbeenzu ndiza kuli ndinywe nyoonse, pele bakali bakwesu bayandisi kuli ndime okuya ku masena akubelekela, kulwanina Lusyomo cakusinizya olo ndo twiiminina. Leza aku longeye, mukwesu. Tuli kkomene kuba anduwe kuseeni okuno, mu cikombelo, ciniini cakaindi okuno. Ta cebelezyi maningi. Pele kuli cintucimwi omuno, eco, tu lizi kuti Leza ulapona omuno, nywebo mwabona, aboobo tuli kkomene kuli ceeco. Alimwi kuli bambi bakwesu bayandisi, ikuti Ne jisi ciindi ca kwaamba, abo bali andiswe sunu.

⁴³ Lino Nda langila a kukomba kuti mu mazuba masyoonto accilila, na Mwami wayanda, Ndi yanda kuunka, limvwa kusololelwa. . . Nsena kwaambilizya pe. I muswaangano uccilila, ku Ohio, kuyooaba a Mukwesu Sullivan, ku masena azivuka, mu ciindi cisyoonto. Nkwa mamaile biyo atandila ku mwaanda kutala okuya, Nda yeeyela, Gene, cintucimwi mbuli ceeco. Luyooaba lweendo lubotu, na tona kanza kupumuna kwako,

ikuti na Mwami wazumanana kutu sololela. Muntu mubotu loko, nkabela tula mulumba Mukwesu Sullivan, mbali impati. Buyo ii. . . Ngu meya wa dolopo. Wa kali meya ciindi cimwi, nkabela muna Kentucky wacyianza cakaindi. Nku konse Nkwe konzya kwaamba kujatikizya nguwe. Cindi Ne kamuswaana buzuba bumwi mu. . . Tonse twaka komenena kumusanza okuya mu malundu aku Kentucky. Wa kati kuli ndime, “Sena ucijisi asafitida yako mu nsingo yako, Billy?” Nywebo mulizi obo—obo mbwali muna Kentucky. Lino atu nyone. . .

Kuta ubausya bakwesu bana Kentucky okuno, Mukwesu Jefferies, abamwi. Ndili muna Kentucky, ambebo, nywebo mulizi. Ndila mwaambila cintu comwe mbo tubede. Ta tuli bana Kentucky, na tatuli bana America. Tuli bamuzwamasi a beenzu. Tu yandaula Munzi uuciza.

⁴⁴ Lino ku kubala, atu bale kuzwa mu Bbuku lya Kulonga, ku maminiti masyoonto. Ndi yanda kubala kuzwa ku chipati ca 23, a kampango ka 20 kusikila ka 23, kusanganya. Elyo Ndi yanda kubweza cibalo kuseeni oku, kuzwa boobu, kuli ceeci, mubwini: *Kuvunwa Kukkwene*. Elyo Nse kotola ciindi cilamfu, kukanana, lino kuciindi Ne lindila ndinywe kujula Bbuku a chipati canu.

Amubone, Nda tuma Angelo kumbele lyanu, ku mubamba mu nzila, a ku muleta ku busena obo Mbwe kabamba.

Mucenjele kuli nguwe. . . amu kaswiilile jwi lyakwe, muta kamusoki; nkambo taka mujatili nsotoko zyanu: nkambo zina lyangu lili muli nguwe.

Ndili masimpe kuti mbunga ulizyi kuti oyo Angelo waka lini. “Zina Lyangu lili muli Nguwe.”

Elyo ikuti na muyo liswiilila nconzyo jwi lyakwe a kucita konse Nkwe kanana; mpawo Njo oba sinkondo kuli basinkondo banu, a mulwani ku balwani banu.

Nkambo Angelo wangu uya kuunka kumbele lyanu, a ku muleta. . . ku bana Amori, . . . bana Hiti, . . . bana Periziti, . . . bana Kanana, . . . bana Hiviti, a . . . bana Jebusi: nkabela Njo banyonyoona.

⁴⁵ Akube kuti Mwami alongezye Ijwi Lyakwe mbuli mbo tukanana lino kwa maminiti masyoonto, ikuti na mwakomba. Ndali kuyeeya a ciyo eci, ca: *Kuvunwa Kukkwene*.

I Mbungano yakali mu i—i busyoonto. Iyooba obo lyonse, mu mamembala, kusikila Jesu akaboole. Pele Ila pona kutasika ku zyoolwe Zyayo zyakapegwa a Leza. Ikuti na twa lizyi biyo, eyi ni Mbungano ya Leza muumi; kutali Branham Tabernacle, pele Branham Tabernacle ncibeela buyo ca Njiyo. Kuli zikombelo zimbi zili obo mu cisi.

⁴⁶ Mukwesu Snelling, sunumasiku, ujisi mulimo wa lubbizyo. Nda luba Mukwesu Curtis wandaambila kwaambilizya eco, na

waka ndaambila jilo, wakali kujisi. Uli mukuba a mulimo wa lubbizyo. Elyo ikuti na umwi okuno tana kubbizigwa, pee, baa, Mukwesu Snelling inga wa kkomana ku cita ceeco, sunumasiku. Eyo nja Holiness Tabernacle ku Utica. Alimwi Mukwesu Junior Jackson, mu New Albany. Elyo kuli mabungano manji moonse mu cisi. Pele toonse tula pona, kuboneka obo, ku lubazu lwakazundwa, kutandila, kobilo.

⁴⁷ Nda mumvwa Mukwesu Neville kaambilizya kuseeni okuno, kusule okuya, eco cabaanga casika ku mizeezo yangu, kuti bantu baboneka kutantamuka ku kuvunwa. Ciboneka kuba cintucimwi, cakuti, bantu baka cibona, aboobo ba citontela buyo ambali, “Oh, ee, Leza inga wacicita.” Pele oko takuli kulanganya.

⁴⁸ Lino, Musa, cindi na kaitwa a Leza, wa kali musinsimi, umaninide caku kkwana.

Cindi Leza atuma muntu kuyo cita cili conse, Ula mupa zibelesyo cakumaninina a zintuzyonse nzya yandika. Ikuti na Leza waita muntu kuba mukambausi, Ula bikka cintucimwi muli nguwe caku kambauzya. Ikuti na Wa mwiita kuba mwiyi, Ula bikka cintucimwi muli nguwe ca kuyiisya aco. Ikuti na Wa mwiitila kuba mukambausi, Ula bikka cintucimwi muli nguwe, kubona zilengaano akuba musinsimi. Leza lyoonse ulamupa zibelesyo muntu Wakwe cakumaninina.

Alimwi obo buyo Mbwa kacita cindi Na katuma Musa mu Egepita. Wa kamubusya munzila imwi. Elyo Wa kamuyiisya munzila imwi, alimwi Wa kamubumba, a kumu panga, aku mubamba mubupange. Kwalo Na kamana kusyomezya Abrahamu, myaanda ya myaka kakutaninga, kuti Uyo vuna bantu, mpawo Wa—Wa kali jisi mu mizeezo kuti Uyo bamba Musa nzila njionya Musa nja kabambwa. Musa wakali musinsimi umaninide. Alimwi mpawo, mukuba musinsimi umaninide, mpawo. . .

⁴⁹ Mbuli nduwe, ikuti na uli Munakristo, Leza tabambi Banakristo bakwange. Leza ubamba Banakristo bajikidwe kumaninina. Leza tabambi bakambausi bakwange, pele mukambausi inga kali mukwange. Alimwi Leza ulabamba bana Bakwe kuba Banakristo, pele ziindizimwi Mbanakristo bakwange. Pele takuli kuyanda kwa Leza kuti balo babe boobo. Ni nzila zyabo zyaka nyongana ku mabambe aa Leza a buumi bwabo, alimwi eci nci cibabamba nzila mbo babede. Leza tayandi kuti kabali Banakristo bakwange, na bakambausi bakwange, kulimvwanya ku lubazu alumwi, na . . . Walo ubayanda kwiima cakumaninina mu mwaakwe.

⁵⁰ Lino, Musa, Leza waka mubamba kuba musinsimi umaninide, wa kuvunwa kumaninina. Elyo Musa wakalipa cakumaninina mu maanza aa Leza. Nke kaambo cakamu bamba

kuba mbwakabede. Wa kali maninide muli Leza kusikila Leza waka konzya kumusyoma.

⁵¹ Nda libuzya, kuseeni okuno, mbuli Banakristo, ikuti na twa lipa ku luyando lwesu, akulipa lwesu loko cakumaninina kuli Leza, kusikila Leza wakonzya kutu syoma ku busena Mbwa katubikka. Nda libuzya, kuseeni okuno, lwangu, ikuti na Nda konzya kulipa loko kuli Leza kusikila Leza wakonzya kundi syoma, wakonzya kusyoma Mukwesu Neville, wakonzya kusyoma boodi yesu ya basyomesi, boodi yesu ya bamadaikona, na bamamembala besu bamu mbungano yesu. Toonse tuli jisi masena, alimwi tuli jisi bulizi.

⁵² I mukutausi uli jisi busena bwa mulimo, kwiimikila a kukambauka buvubi bwa Kristo butaambiki, kakutakwe kulimvwanya, ikuti na wakaitwa kuba mukambausi. Inga taasiya cintu comwe ku muntu omwe, ikuti na wa kaitwa kuba mukambausi.

⁵³ Alimwi membala wa mbungano, wa kaitwa kuba membala wa nkamu imwi eyi, mpawo inga talimvwanya. Ikuti na mbungano isyoma kuti ta tweelede kuuma njuka, nkokuti oyo membala taelede kujata kakata ka makaadi. Ta tusyomi mu kunywa, weelede kunyona mutwe wakwe cakumaninina kuzwa kukunywa. Ikuti na ta tusyomi mu kuuma njuka, na kufweba, membala wa mbungano eyi taelede kuguma cintu cili boobo. Leza upa kuvunwa kumaninide. Cindi twa . . .

Uyo cicita ikuti na twa lipa cakumaninina lwesu kuli Nguwe. Ikuti na tuyo lyaaba lwesu cakumaninina mu janza Lyakwe, nkokuti Leza inga wakkala muli ndiswe. Kristo, Bulangizi bwa Bulemu, Ula konzya kulitondezya Mwini kuzwa muli ndiswe mbuli mbo tuli gwisya lwesu mu nzila. Mpawo miyeeyo yesu yaba miyeeyo Yakwe. Sa inga mwayeyela Kristo kafweba makwaya? Sa inga mwayeyela Kristo kanywa, na kuuma makkadi? Mpawo ikuti na muuya wako ncibeela ca Muuya Wakwe, Walo uuyanda kuba a kulyaambilila kwako. Pele wamu zumizya dyabulosi kunjila akutola bweendelezi. Alimwi ciindi conse, mu moyo wako, kungsi kwini, ulizi kuti toluzi cindi wacita zintu eyo.

Elyo cindi membala omwe akanana kulwisya membala umbi, mulizi kuti eco taciluzi. Mwa kalaililwa ku kombelana, kutali kwaambaula kulwana umwi aumwi, pele kuyanda umwi aumwi. Elyo ikuti na umwi ulaansi, atu musumpule, ku mugwasya. Lino, eco citu bamba ii—ii—ii nkamu ikamantene ya basyomi. Lino, cindi twa ta swiilila ceeco, nkokuti tatu muswiilili Leza nkabela tatu botezyi Leza. Elyo nkikaako, mbungano yesu, bantu besu taba konzyi kuba acoolwe, mbungano tai konzyi kuzumanana, nkaambo tatu kamantene, antoomwe. Mbuli Jesu mbwa kati, “Ti bumena buniini bulafufumasya mulwi onse.”

54 Lino, ikuti na boodi ya mbungano, na mbuli i—i bamadaikona, ba boola akuti twa kali ku...kuyeeya kuti tweelede kuyaka cikombelo cimbi. Ikuti na oko nku voota kwa bamadaikona, nkabela basyomesi bakabuzigwa elyo taba jisi mali aku cicita, nkokuti ba jisi mabambe akuyaka mbuli ngo tujisi ayabuya lino. Elyo mpawo atolwa ku bbunga ya boonse, mbuli mbo tweelede kuba, yoonse mbungano mu kulyeendelezya. Mpawo ikuti na mbungano ya vootela cikombelo cipya, nkokuti tweelede kubelekela antoomwe mu kuyaka eco cikombelo cipya.

55 Mukasimpe, lwangu, cindi niba kaamba cikombelo cipya, kuli ndime, Nda kaukazya muyeeyo. Mbo mbubo. Nda kati, “Ta tuyandikani cini cikombelo cipya. Njo zwa okuno antela calino, mbuli Mwami... ikuti na eco Nca kandi tondezya caboola kucitika. Sena tu yandikana cikombelo cipya? Ta tujisi mali.”

56 Mpawo Nda kaselemuka a kulimvwa kugumwa kwa mbungano, kuti mbungano, mu bunabunji, baboneka kwiiyanda. Mpawo ino Nda kacita nzi? Nda katuula miyeeyo yangu a kuwaala kuba a mbungano. Masimpe, atu cicite. Ikuti... Eyo ni nzila njo tuuma cisolo, eyo ne nzila mu cindi ca Bbaibbele, nzila mbungano mboya kavoota. I—i kulyeendelezya, inkamu zya bantu, bala boola antoomwe. Mu lukamantano kuli nsana. Aboobo, nkikaako, Nda kati, “Incobeni, ikuti na eyo ni nzila mbungano mboi yanda, ikuti na eco Leza ncayanda, Uli jisi bwami bunji kuvoota akati ka nkamu yonse ya bantu kwinda Mbwa jisi kuli ndime, nkaambo Nse na jana cilengaano cakuti ta ceelede kuba.” Aboobo tula waala mukati a mbungano, akweenda a mbungano. Elyo Nda kwiiminina, kucita konse nko Ndi konzya, kubona, kugwasya mbungano.

57 Oko kweelede kuba kuyanda kwa Munakristo onse a muntu onse mu mbungano, nkwa kuli kamantanya lwesu a kujatana antoomwe. Kufumbwa eco mbungano ncoya vootela, eco nco tweelede kwiiminina. Mpawo kwaamba, kupa mukozyanyo, i...yanda ku cinca cintucimwi mu mbungano. Ee, mpawo, ikuti na basyomesi bayanda ku, i...muntuumwi umbi uyanda, bamadaikona, bayanda kucinca cintucimwi, eco ciboola kumbele lya mbungano, mbungano mpawo antoomwe. Elyo ikuti wesu—ikuti na muzeezo wesu uboneka kwiindana aniini ku mbungano yoonse ncoya kaamba, atu tuule oyo muzeezo, nkaambo eyo nje nzila ilikke njo tukonzya kwiima katu kamantene. Elyo ikuti na eyi mbungano uyo zumanana buyo nzila mbo yeenda lino, aku kamantana antoomwe, Leza uyo... Ta cigoli, eco Ncaya kucita, ikuti na twa jatana antoomwe. Twe elede kujatana antoomwe. Obo mbo tu yanda kuba, kumaninina loko antoomwe kuli umwi aumwi, elyo mpawo kumaninina loko mu maanza aa Leza.

58 Mpawo twe elede kuba a muntu ngo tusyoma kuti ukambauka Ijwi lya Leza. Ikuti na muntu ta ciciti, mpawo

amu jane muntuumwi walo ucicita. Eyo nje nzila mbo tweelede kwiimikila. Ikuti na boodi ya basyomesi tai kaiminimi cintu ciluleme, nkokuti mulimo wanu kusala muntuumwi uyo iminina ceeco ciluleme. Alimwi mpawo cindi mwacicita, amukkale a ncico. Cili kuli ndinywe. Amu kkale a ncico. Elyo, toonse antoomwe, twi iminina Cintu comwe, oyo ngu Leza.

⁵⁹ Ikuti membala walubizya, muta muniki. Amu mugwasye. Amu mubusyeye. Amube antoomwe, amujane kumvwa kuli umwi aumwi. Obo mbo lwaamba Lugwalo. Cindi twa lubizya, atuye kumbele lya Leza. Katu taninga konzya kuya kumbele lya Leza, tve elede kuya kumbele lya muntu ngo twa cisa.

⁶⁰ Nda kacita kucicita eco. Alimwi Ndi lizi kuti Nda kalubizya. Nda kabaja, kacitya mukaintu wangu kubeja. Ndila syoma Nda kamwaambila kujatikizya ncico, okuno ku mbungano. Akali mazuba masyoonto, kutali kaindi kakainda, zyakali kutandila kuba mwiki zili cisambomwe zyakainda. Ba maloya bakandi nyonganya akundipenzya kapati, ku kulangalanga oku, kusikila Nse kazyi awo Mpe kabede. Nda kazwaa kuunka ku muunzi kuzwa kuofesi, kuyoolya cisuusulo. Elyo fooni namba ya mugame yakalila, nkabela Meda wakaunka kuyo vwiila fooni. Waa kabikka janza lyakwe ali njiyo, kati, “Mba maloya alubo.”

⁶¹ Nda kati, “Nse konzyi kuzunda mangolezya ambi. Mutwe wangu ilimvwa mbuli kuti uya buzwa. Nda nyongana, kundi kwela buyo nzila eyo, a nzila eyo, a nzila eyi.” Nda kati, “Nse konzyi kucizunda.” Elyo Nda kasotoka mujulu, nkabela Nda kati, “Baambile kuti ta Ndi koomuno,” nkabela ka zuza kuzunguluka ng’anda.

⁶² Cindi Ne kajoka. . . Meda ula pakamana kucita kabotu ku zintu ezyo. Waa kandi swaana ku mulyango, kalila asyoonto. Waa kati, “Bill, sa eco cali cintu ciluleme kucita?”

⁶³ Uli zyi obo mbobede. Ndi lizyi Mbwe bede. Nda kati, “Masimpe. Tii ndali omuno ciindi eco.” Nda kaziba kuti Leza wandipa mulandu kuli ncico. Nda kati, “Tii ndali omuno ciindi eco.”

Kati, “Pele wali omuno cindi na tumina.”

⁶⁴ Ayo masikati Nda kainka kuyo kombela muvwanda. Elyo Nke tana zwa mu ng’anda, fooni ya kalila alubo, elyo Joseph muniini waka zuza akubweza fooni a kuti, “Bataata, sena uyanda kuti ndibaambile kuti tamuko?” Mwabona cibi mbo cinyonganya, ino mukwasyi nzi mbouya kuba kumalekelo?

⁶⁵ Johane Mutaanzi, chipati ca 5, a kampango ka 12, kati, “Ikuti na myoyo yesu ta itupi mulandu, nkokuti tuli jisi kaanzambwene muli Leza.” Pele ikuti na myoyo yesu itupa mulandu, mbobuti mbo tukonzya kuba a kaanzambwene muli Leza? Tu lizi, kufumbwa kuti katu jisi cibi eco citana kwaambwa, Ta katu swiilili. Eco nciyumu, pele, cila—cila—cila, mbungano iyandikana zintu ezi.

66 Mpawo Nda katalika kukombela muvwanda oyu. Elyo cindi Ne katalika kubikka maanza angu ali nguwe, Mwami wakandi tapatila a kuti, “Wa beja. To eleli kukombela muvwanda oyo.”

67 Nda kafutatila mwaalumi. Nda kati, “Munene, kolindila buyo awa. Ndi jisi cintucimwi caku lulamika.”

68 Nda katumina loya aku selemukila ku ofesi, kamu tumina. Nda kati, “Langa, munene, Nda beja. Nda citya mukaintu wangu kubeja. Waa amba kuti Nse limo omuya, nkabela Nda zuzila kunze lya ng’anda.” Elyo Nda kacaamba a kumwaambila kujatikizya ncico.

69 Keenda kumbele a kubikka maanza akwe a ciwezo cangu. Wa kati, “Mukwesu Branham, Nda kali jisi kaanzambwene lyoonse muli nduwe, pele Ndi jisi kunji loko kwinda lyonse lino, mwaalumi,” wa kati, “oko nkuyanda kululamika bulubizi bwakwe.”

70 Nda kamwaambila, Nda kati, “Nda talikide kukombela muvwanda, elyo Mwami wandipa mulandu, mu moyo wangu, nkambo Nda lizi kuti Nda cita citaluzi.”

71 Mpawo, buzuba butobela, mukaintu wakati, “Ino uya kuli?”

Nda kati, “Ku mpangala yangu.”

72 Elyo Nda kaina kutala ku mpangala yangu, atala eni ku Charlestown, oko Nkwe kali kwiinka, kwa myaka. Nda kanjila omuya, elyo Nda kapaila obo buzuba boonse, “O Leza, utaka ndilekeli kucita cintu cili boobo alubo. Kondi jatila, Mwami, nkambo cindi Ne talika kubikka maanza angu a baciswa, ku paila, mpawo Nda kapegwa mulandu.” Ambali kutandila thrii okuloko ku mangolezya, Nda kayutuka. Kuli mwaala mupati uyalidwe alya. Elyo Nda katanta mwaala oyo elyo ndakali kulanga kutozya kujwe, a maanza angu mujulu, nkelumbaizya Mwami. Elyo kwakali bateme loko omuya. Elyo Nda kati, “Mwami, ikuti na Uyo buyo. . . Ciindi comwe Wa kainda muni lya Musa, elyo wa kati wakali i. . . cindi Noka mubikide mu mpako ya mwaala, nkabela kwaka libonya mbuli cibeela casule lya muntu.” Nda kati, “Sa inga Wa cicita alubo, Mwami? Kondi zibya kuti Nda jatilwa.” Elyo Nda kati, “Ikuti na Uyo ndigwasya akusika ku mizeezo yangu. . .” Nda kati, “Mwami, Nseli muyumu loko, ku miyeeyo, nkaambo Nse jisi lwiyo.” “Elyo Ndi—Ndili mukusola kubelela Nduwe. Yebo ulizi moyo wangu, alimwi Tii nda. . . Tii ndali kweelede kucita ceeco. Nse kanzide kucita ceeco. Mutwe wangu wali kulimvwa mbuli kuti wakali kusomoka, Nda kali libilikide maningi, elyo Nda cicita mu kujatwa kwa ciindi Saatani nakandi jata.” Nda kati, “Ikuti na Ula ndijatila, andi Ku bone, mpawo, Mwami.”

73 Leza mukuba Mubetesi wangu; nkoonya buyo ku lubazu lwangu, kasena kaniini mu citeo kwakatalika kambizi mbuli Muuwo, elyo Wa kasika nkoonya ku lubazu lwa mpangala Nkwe kabede, a kuselemuka kwinda mu zisaka. Oh, mukwesu,

luumuno lwiinda kumvwisya konse lwaka fumba muli ndime, nkabela Nda kalila. Nda koomoka. Nda kaongolola. Nda kaziba kuti zibi zyangu zya kajatilwa. Mwabona, Nda kali pambukene a Leza, Nse kakonzya kuba a kuvunwa kwa muvwanda.

⁷⁴ Nda... Elyo buzuba mbubonya bwakatobela kwakali mwaalumi wakazwa ku Chicago, uuli mwaalumi mupati, muna Katolika wakazwaa kusanduka, mavalusi mu moyo wakwe akali zimbide mbuli tyuubbu lya mukati lyakapompwa, alimwi bakali kusola kwaatenda kwa ciindi cilamfu, wa kali kuyo, alimwi ta kaalekela. Kumalekelo wa kajana kubuzanyanya. Kwalo kubuzanyanya, tula kkala ankuko mane twa jana eco cilubide. Elyo mwaalumi mbwa kanjila buyo, mane Muuya Uusalala waka joka kwiinda mu buumi bwakwe a kuyutula cintucimwi ncaka citide nakali mulombe waku cipaililo mu mbungano ya Katolika. Wa kati, "Obo mbwini. Obo mbwini nconzyo." Kati, "Sena waamba kuti eco cakali kulwana ndime?"

Nda kati, "Eco nce cimvule cilikke Nce konzya kubona mu buumi bwako."

⁷⁵ Wakajoka a kwaambila dokotela, kati, "Ncibotu, bikka zintu antoomwe lino, tula aba a kupandulwa."

⁷⁶ Dokotela wa kati, "Tula ulanga oyo moyo wakaindi alubo." Elyo cindi nakaulanga mukati, wa kati, "To yandikani kupandulwa." Mwabona?

⁷⁷ Ikuti myoyo yesu tii tupi mulandu, tu yanda kuvunwa kumaninide. Ta tuyanda kuba bakwange, mbungano. Tu yanda kuba mbungano ini nape taakwe mbungano pee. Tu yanda kuba Banakristo beni nape taakwe Banakristo pee. Tu yanda kuvunwa kukkwene kuzwa ku micito yesu itakanzidwe, kuzwa ku zibi zyesu, kuzwa ku kuyeeya kwesu kubi, kuzwa kuzucita bubi bwesu, kuzwa ku kutabikkila maanu, kufumbwa nco twa kacita. Tu yanda kuvunwa kukkwene, kutegwa cindi bantu basika mu mbungano eyi, kuzo kombelwa, kukabe buyo eyi nkamu niini (ndiza bataindi ku mwaanda, a yobile) bakkede awa, pele bayo maninina mu maanza aa Leza. Alimwi cindi twa paila, mpawo Leza uyo swiilila kuzwaku Julu. Leza uyanda muntuumwi oyo Ngwa konzya kujata mu maanza Aakwe, muntuumwi oyo Ngwa konzya kwaamba kuti, "Ndi jisi kaanzambwene mukati. Nda konzya kutuma ceeci, Mulanda wangu ucisidwe, ku Branham Tabernacle ku Jeffersonville, a nkamu eyo ya bantu bali mu kuzuminana komwe." Cintucimwi cijo citika.

⁷⁸ Ee, amulange eco Nca tucitila mu ciimo motubede. Ino inga Na kacita nzi ikuti na twa kali moyo omwe a kuzuminana komwe? Inzila buyo njo tukonzya kucita ceeco, nku kamantanya myoyo yesu antoomwe ku luyandisyo lwabunyina, kuswiilila basilutwe ba mbungano, a mweembeli, a mweembeli kuswiilila Leza. Mpawo Leza uyo beleka kwindi mu mweembeli, kwindi mu boodi, kuselemukila mu mbungano, nkabela toonse

antoomwe tuli cintu comwe ku Bwami bwa Leza. Mpawo Leza uyo swiilila, cindi twa ba nkamu ikamantene. Muta lekeli cimwi kumupenzya. Muta libiliki ku cintu cili conse.

⁷⁹ Lino, oyo ngo musyobo wa muntu Leza ngwa kasala kutola nyika. Musa wakali maninide, wa kali muntu watakalino limvwanya. Ikuti na kwakali kucimwa a kukwankwana, akumwi kumbi, nataka limvwanya. Obo Leza mbwa tuyanda lino.

⁸⁰ Farao wakali kuyanda kuzumina, kati, “Musa, nyonse inga mwaunka, alimwi pele, kobasiya bana bako kusule, na kosiya ng’ombe zyako kusule okuno.”

⁸¹ Eyo nje nzila dyabulosi njayanda Munakristo kusika. “Kuyooba kabotu kuli nduwe kusangana mbungano, pele uta kasoli kumujatila Jones. Kuyooba kabotu ikuti wakonzya kunjizya zyako... ikuti na wakonzya kwiinka... To elede kuleka kufweba kwako, kunywa kwako, kubeja kwako, kubba kwako, kuvwima kwako kwatumpenda, kuvwiya. To elede kuleka ceeco. Ko sangana buyo mu mbungano.”

⁸² Pele Musa takali sikulimvwanya. Wa kali kuyanda kuvunwa kumaninide. Wa kati, “Ta tukasiiyi nsumba yomwe musule. Tuya kutola zintuzyonse zizulilwa kuli ndiswe, cindi twa kwiinka kuyo komba Mwami.”

⁸³ Eyo nje nzila mbungano mbo yeelede kuba. “Tuyo bweza bululami. Tuyo bweza busalali. Tuyo bweza Muuya Uusalala. Tuyo bweza nkamu ikamantene cindi twa unka ku cipaililo. Tuyo bweza nkamu iini. Ta tuka siyi cintu kusule. Tuyo tola zintuzyonse. Takukabi nsumba yomwe iyo syaala okuno kusule.” Nywebo mulizi, a bantu inga bakomba munzila eyo kusikila dyabulosi uyo zumina kuzundwa.

⁸⁴ Eyo nje nzila Musa a nkamu yakwe mbo bakacita. Ba kasika okuya a kuba kungsi lya Bulowa. Wa langisya, kusikila waba kungsi lya Bulowa, takukwe kuvunwa kukkwene. Musa, lwakwe, wa kali kamantene a Leza, pele Israyeli pee. Kwa kacili cibi. Elyo baka tongaukila Musa, elyo ba kati, “Nkaambonzi, nkaambonzi wa cita ceeci? Wa tuletele mapenzi manji.” Nkaambo, Farao wakayungizya kuba kobilo mu mweelwe wa matina, azimwi. Oyo wakali Musa; wa kali maninide mu maanza a Leza, kuvunwa kukkwene kuzwa ku kweembela mbelele, kuya kukweembela mbelele zya Leza. Wa kavunwa caku kkwana, lwakwe. Pele bantu teebe kavunwa, nkaambo kwa kacili kutongauka akati kabo.

⁸⁵ Busiku bumwi cindi Leza nakasala kabelele kayandikana kujagwa, cikozyanyo ca Kristo, a bulowa bwa kanikwa mu hissopo, yalo, ninsaku buyo (izizilwe, ibombe), a kubikkwa ku munsende wa mulyango alimwi aa zikunguzyo, nce cindi Israyeli niya kavunwa cakumaninina, kakutakwe nsumba yaka syaala kusule. Zyonse zyakali zyabo zyaka vunwa. Mikwasyi yabo,

bayandwa babo, a zintuzyonse zya kavunwa cindi niba kaboola cakumaninina kungsi lya bulowa.

⁸⁶ Eco nce cindi mbungano noiya kuvunwa cakumaninina, cindi zintuzyonse zyakuba kungsi lya Bulowa. Cindi zibi zyako zyaba kungsi lya Bulowa, cindi kufweba kwako, cindi kuuma njuka kwako, cindi kweena kwako, cindi kubba kwako, cindi kubeja kwako, cindi zintuzyonse zyaletwa kungsi lya Bulowa, mpawo kuyooba kuvunwa kukkwene. Nawa kalubizizya muntuumwi, ko cilulamika. To konzyi kuleta ceeco kungsi lya Bulowa, ta cika kkali. To konzyi kucileta. Cintucimwi tacika kuzumizyi kucicita. Cindi kuliyanda kwako kwaletwa kumaninina, ku kkwandinina kungsi lya Bulowa, kuyooba kuvunwa kukkwene; mpawo uyooba a lwaanguluko ndotana bedo alo kale. Cindi zintuzyonse zyaletwa kungsi lya Bulowa, kuleta mu kweendelezegwa ku Bwami bwa Leza, mpawo kuyooba kuvunwa kwini.

⁸⁷ Jesu wakali muntu, uukkwene kumaninina. Wa kakonzya kulila mbuli muntu. Wa kakonzya kulya mbuli muntu. Wa kakonzya kukatala mbuli muntu. Wa kali muntu, uukkwene kumaninina, mu buntu bwa mubili Wakwe. Elyo mu Muuya Wakwe, Wa kali Leza, uukkwene kumaninina, aboobo Wa kabamba mubili Wakwe kweendelezegwa ku Muuya wakali muli Nguwe. Nywebo mwabona, Wa kasunkwa mu ziyanza zyonse mbuli ndiswe. Wa kali muntu, kutali Angelo. Wa kali muntu. Wa kali jisi kuyandisya a masunko, mbuli buyo mbo tucita. I Bbaibbele lyakati Wa kacita. Wa kali muntu, kutali Angelo atala ku masunko. Bahebrayo 1 bakaamba, kuti, “Wa kali . . .” Bahebrayo 1:4 bakaamba, “Wa kacitwa kuba ansi kwinda Baangelo.” Wa kali muntu, muntu umandinide; cakuti Leza wakabweza muntu umandinide, kukuleta kuvunwa kukkwene, alimwi Wa ka Mu zuzya Muuya Wakwe. I Muuya Uusalala wakali muli Nguwe, kakwiina kweeleka. Elyo Wa kasunkwa mbuli mbo twa kacitwa. Elyo Wa kali Leza umandinide. Wa kacitondezya cindi Na kabusya bafu, cindi Nda kaimika bulenge, lwizi luvuuma a myuuwo yanguzu. Cindi Na kaambila masamu, azimwi zimbi, zyaka Mu swilila. Wa kali Leza, mukati. Elyo Wa kakonzya kuba muntu, nkambo Wa kali muntu, pele Wa kalyaaba Mwini caku kkwana kumaninide (mbuli muntu) mu maanza aa Leza, ku mulimo wa Leza.

⁸⁸ Elyo Wa kali mukozyanyo wesu. Tuli bamaalumi a banakazi. Tuli Banakristo aswebo. Ikuti na Walo mukozyanyo wesu, atu lyaabe lwesu cakumaninina mu maanza aa Muuya Uusalala, kutegwa tube balelwa ba Bwami bwa Leza.

⁸⁹ Wa kali muntu uukkwene; Wa kali Leza uukkwene. Pele Wa kapa zibeela Zyakwe zyaupange kuli Zyakwe . . . a zibeela Zyakwe zyakunyama, a kuyeeya Kwakwe, a kucita Kwakwe, a kumamela Kwakwe, alimwi, “Ndi cita biyo eco cibotezya Taata.” Mpaawo we. Kuvunwa kukkwene kuzwa ku bantunsi. I bapaizi

bakasika kuli Nguwe, bantu balemu, a kuti, “Rabi, *niini-a-niini*,” akusola ku Muula makulo kuti anjile bumembala bwabo a tubungwe. Pele Wa kali vunidwe caku kkwana kaambo Wa kasyoma muli Leza.

⁹⁰ Sena Sintembauzyo takati, “Uyo Mu vuna, nkambo Wa kasyoma muli Ndime cakumaninina”? Mwabona? “Njo vuna Uuyandwa Wangu kuzwa ku babwa, nkaambo Wa kasyoma muli Ndime.”

⁹¹ Oora limwi twaa sika ku magolelo a lweendo lwa buumi, Ndiyo ciyanda kuba cangu. Ndi lizi kuti muya kuciyanda kuba canu. Ndiyo Mu yanda kwaamba kuti, “Njo movuna kuzwa ku mwebo ya lufu, nkambo wakasyoma muli Ndime. Njo movuna kuzwa ku cuumbwe, a cifumo ca bubuke, ku movuna caku kkwana, konse ku buntu, mubili, a Muuya, nkaambo Wa kasyoma muli Ndime.”

⁹² Yoonse milimo ya Jesu yakali maninide. Zintuzyonse zya kavunwa, kukkwana, kumaninina. Wa kavuna sicinsenda caku kkwana kuzwa ku cinsenda. Wa kavuna mwanakazi caku kkwana ku cilwazi cakuzwa bulowa, kuzwa ku cilwazi cakwe. Wa kavuna inyika kuzwa ku cibi caku kkwana, cindi Na kafwa aa buzuba bwa mulungo. Wa kavuna kuzwa ku cibi caku kkwana. Wa kavuna Mbungano. Aboobo taku yandikani kuli ndiswe kupona mbuli bantu bakabulizya, kuzyoolwe. Taku yandikani kuli ndiswe kupona mu ciimo ca kuzundwa, nkaambo Wa kamuzunda dyabulosi a kutola bweendelezi a basinguzu, a ku beendelezya kungsi lya matende Aakwe, nkabela tabakwe nguzu zya mulao zya ku mweeledezya. Tuli Banakristo, bazwide Muuya Uusalala. Ta tweelede ku dic- . . . kulekela dyabulosi kutu lailila kakucita. Kristo waka tuvuna, kuvunwa kukkwene; katu vuna kuzwa ku bubi, katu vuna kuzwa ku cibi, katu vuna kuzwa ku micito itakanzilidwe, katu vuna kuzwa ku kwaambaula, katu vuna kuzwa—kuzwa ku muntu sikunyansya, katu vuna kuzwa ku misyobo yonse ya zintu zyatombe. Wa katu vuna caku kwanina a kutu bikka mu maanza Aakwe aasalala; kuvunwa, cakumaninina kukkwene.

⁹³ Wa katu vuna kukuciswa. Wa katu vuna kuzwa kukuciswa, nkambo tujisi diidi ya kasimpe nconzyo kuli ceeco. Aleluya! “Nkambo Wa kayaswa nkambo ka nsotoko zyesu, ku mibunda Yakwe twa kaponesege.” Walo Musilisi wesu. Nke kaambo oyo mwanakazi, muniini, mucete wakaligwa polyo, kasola kumamela mulumi wakwe wakali kufwa ku kkulenge, waa keendela mu zilao zya Busyu bwa Leza. Waa kajisi lusyomo. Elyo waa . . . Bamadokotela bakacita koonse nko bakali kukonzya, aboobo waa katobela malailile aa Leza nkabela waka vunwa caku kkwana.

⁹⁴ Basikwiya baka jisi kuvunwa kukkwene, kuvunwa ncobeni caku kukwanina. Nkaambonzi? Nkambo baka zwide Muuya Uusalala cakumaninina kukkwene. Cindi yebo, membala

buyo wa mbungano a kusukana maanza a mweembeli, na umwi. . .waka jisi musyobo wa luzibo lumwi lwa kusotauka, koongolola, na kukanana mu myaambo, na cintucimwi cimbi; nkabela kocijisi lunyemo mu moyo wako, micito igambya, ku beja, kufweba misanga yatombwe, kusukamina banakazi; kuli cintucimwi citana citika. Kuli cintucimwi cilubide. “Nkambo oyo uyanda inyika, na zintu zya inyika, luyandisyo lwa Leza talumo muli nguwe.” Mwa kasweesegwa. “Ku micelo yabo muyo baziba.”

⁹⁵ Toonse tu yanda kukamantana antoomwe, a Muuya Uusalala. Aumwi membala weelede kukamantana, kuli umwi aumwi. I luyandisyo lwa Leza lwaka tilwa mu myoyo yesu, ku Muuya Uusalala. Ula tusalazya kuzwa kuli zitaluleme zyoonse. Twa kavunwa kuzwa ku zintu zya inyika. Jesu wakati, “Kuli ceeci boonse bantu bayoziba kuti muli basikwiiya Bangu, cindi mwano jisi luyandisyo, umwi ku mweenzinyina.” Cindi membala omwe ano yanda membala umbi kapati cakuti inga wamufwida.

⁹⁶ Cindi cintu comwe cibi catalika, aanze lya inyika, bamwi banakazi basika a kuti, “Lino, langa, oyandwa. Ni cakabota kuli nduwe ikuti nokacita *ceeci*, na kucita *ceeco*, kusama *ceeci*, na kucita *ceeco*, na nokacita *ceeci*, a kuzwa kuli eco cikama ca babumbulusi basalala,” na bamwi mbuli baabo, tuli kamantene loko a Leza!

⁹⁷ Nywebo mwati, “Ee, Mukwesu Branham, ndi sunko libyaabi.” Pele Kristo wakafwida bukanze obo. Dyabulosi uli zundidwe. Tu yanda kuvunwa kukkwene. Tu yanda mbungano injoloma a kusalala, itakwetombe, ayaka sanzigwa mu Bulowa bwa Kabelele, aku zuzigwa Muuya Uusalala, ijisi zitondezyo a zigambyo a maleele. [Kabeela katakwecintu aa teepu—Mul.] . . . kuvuna uli onse caku kkwanina. [Kabeela katakwecintu aa teepu].

⁹⁸ Oyandwa Leza, To bwezyi zintu citakuti zya kavunwa caku kkwanina. To kakonzya kutambula cituuzyo caka jisi kampenda ali ncico. Toka tambula mupailo, na kwakali cibi kunze lya buumi bwa muntu oyo. To kakonzya kucicita, Mwami. To kacicita mu makkalo akainda, alimwi To konzyi kucicita asunu. Pele cituuzyo ceelede kubula kampenda. Mwami Leza, mbuli mbo tulibikka aa cipaililo, buumi bwatuulwa, buzwa kuli ndiswe, O Mwami, tonse tumpenda twa cibi. Nda bikka buntu bwangu, a mubili wangu cakumaninina, a nsana zyangu, kukutauka kwangu, a mbungano eyo kuseeni okuno, aa cipaililo. Kotu salazya ku Bulowa Bwako, akutu jatila zibi zyoonse nzyo twa kacita. Elyo Muuya Uusalala mulemu ukkalilile ca buvubi muli ndiswe, a Busyu Bwakwe kuunka andiswe kuzwa ku cikombelo eci kuseeni okuno, kuti tuka zibe mukati kesu kuteeti Wa tujatila. Mpawo mupailo uyooba wakuti, “Kotu jatila nsotoko zyesu mbuli mbo tujatila abo batu bisizya.” Ko cipa, Mwami.

⁹⁹ Yebo Koba muni lyesu lino, kotu longezya a kutu bamba kusikila tu swaangane alubo ku kuswaangana kwaku mangolezya. Akube kuti tu njile a maanza aasalala a moyo unjoloma, kuti To katukaki, nkambo tu yanda kuvunwa kumaninide caku kkwanina kuzwa kuli conse, Mwami, eco ciyo tutantamuna mukuba mumuni wa inyika; nkendulo ibikkidwe atala lya cilundu, kutali iivunikidwe kuni lya cisuwo, pele nkendulo ibikidwe atala lya cilundu, iipa mumuni wa kweenzya matende aa bantu mu nzila eyo iluleme. Ko cipa, Taata. Twa cilomba mu Zina lya Jesu, a ku Bulemu Bwakwe. Amen.

¹⁰⁰ Ndila lomba Doc...Ndi yeeya kuti uli kusule okuya, na umwi wa bamadaikona baliko. Kutegwa mbungano ibale ceeci, Doc, boola ubikke ceeci aa boodi lya kuzibya twaambo kuteeti mbungano ikonzye kucibona mbuli mbo bazwa. Elyo mpawo Mukwesu Collins, ikuti na mpali ano...Sa Mukwesu Collins nkwali? Mupe ceeci cimbi.

¹⁰¹ Elyo, ncibotu, munene, elyo tula bona eco...[Mukwesu Branham wapumuzya a kubala kagwalo cakaziizi—Mul.] Walo muntu uyanda kubuziyanya. Oko kulapegwa lyoonse. Twa kkomana.

Elyo Nda jisi kubuziyanya. Nywebo mwabona, cintu nco cita nku tumina namba yesu okuya. Twa—twa kajisi mapenzi manji ku ng'anda, mbungano ili cizyi. Aba mbeenzu. I mbungano ilizyi kujatikizya ncico. Kweelede kuba kabeela kaniini kabikkwa... Njo yanda kuti kakabikkwe omuno mu mbungano, akalo, kuli baabo baboola mukati. Nywebo mwabona, kuli banji, abo boonse mbe tutakonzyi kubamba, mbuli mbo baboola buyo ku mweelwe. Mwabona? Elyo tu...Ikuti na uyo tumina buyo ku BUTler 2-1-5-1-9, BUTler. [Mweelwe wa telefooni wakacincwa.—Mul.] Elyo kufumbwa oyo mamembala uubona umwi uuyanda, Ndila kkomana lyoonse kubona bantu. Pele tu jisi ciyanza calyonse. Kuli bamwi baitidwe kale, basyoonto, mwabona. Elyo tu boola buyo kuli, omwe a omwe, mbuli mbo tuboola. Mpawo kuli...Kwakali kuba, twa kajisi musyobo wa kucita kupalangene, nzila ili yonse, kusikkiping'a, kujotaila, bantu bakaunka ku miinzi kabatyompedwe a zintuzyonse. Lino bali jisi zintuzyonse mu ncililano. Elyo nce cintu nco tu sola kukanana lino, mwabona, kubikka zintuzyonse mu ncililano, cakulondoka buyo.

Elyo Njo kkomana kubona eyi nkamu iyandwa, ikuti na baya kutumina buyo aa BUTler 2-15-19 (1-5-1-9), elyo Ba. Mercier na Ba. Goad, umwi, uyo vwiila fooni aku mwaambila eci cindi nomu konzya kuba a cipangano. Tu jisi busena okuya, bwa eyakkondishina, abubambidwe kutambula bantu aku bakombela. Tuli kkomene biyo kucicita.

¹⁰² Lino, kaambo Nce tabooli ku cikombelo, bantu bayeeye kuti Ndi sola kutantamuka bantu; takuli boobo. Ndi sola kuba—kuba mu ncililano ncobeni. Mwabona? Obo Mbwe yanda kuba,

taku katondezyi kulemeka ciimo ca muntu. Aumwi muntu, uli onse, kuli konse, kufumbwa ciindi, mwabona; mubala, kayanza taka jisi cintu cakucita ancico. Tula boola nkoonya okuno kuzo swaana bantu. Elyo ikuti na bajisi kubula, tula kkala ncobeni a Leza kusikila wa kubamba. Ikuti na bayanda kuziba cili conse kujatikizya miswaangano, mubwini, tula cilanganya eci aku ciyobola. Oko nkusololelwa buyo kwa Muuya Uusalala. Elyo eco . . . Eyo nzila, Ndi yeeya kuti ililume, ila citila muntu onse mbubonya buyo ncobeni. Nkikaako, taakwe kulemeka ciimo ca muntu, taakwe kulemeka.

¹⁰³ Sa kuli bantu bamwi basikila kukombelwa, kuseeni okuno, abo bacisidwe nkabela bali kuyanda kukombelwa? Ncibotu. Ta kukwe.

Mpawo atwiimbe lwiimbo lubotu lwa i . . . lwa kukomba. Ino inga twaimba luli kuseeni okuno? “Ino ncinzi cikonzya kugwisya cibi cangu?” Uli izyi na, Teddy? “Taakwe cita Bulowa bwa Jesu.” Ino ncinzi . . .

[Mucizi kuzwa mu mbunga waamba zya mulindu ucisidwe kapati—Mul.] Ncibotu, munene. Uyanda ku mukombela lino na?

Ndila mukombela oyo mulindu. Bikka maanza ali oyu mwanakazi awa. Mwalombwa mukotamike mitwe yanu a ndime, mpawo, cabutontonzi lino. [Mukwesu Branham wasiya maikrofooni yaa cikambaukilo—Mul.]

¹⁰⁴ Oyandwa Leza, ngooyo mulindu ucisidwe kapati. Mucizi wesu wabikka mubili wakwe atala, nokuba kugwisya kkulenge kuzwa kuli bamwi, kwiimikila akati nkambo ka bamwi. Pele Wa kamuvuna kuzwa kuli ceeco, Mwami mazuba masyoonto ainda, cindi ezyo zintu nizya kazibwa. Mulekele buyo acijane, lwakwe, mpawo, Mwami, uyo ziba kuti cizwa kuli Nduwe. Nda bikka maanza angu ali nguwe, akulombela luse lwa oyo mwanakazi uumbi ngwa iminina. Akube kuti luzyalu lwa Leza, Nguzu zya Muuya Uusalala . . . Nakuli bubumwi mu myoyo yesu, Mwami, buyubunune kuli ndiswe, lutaanzi, mpawo tuyo unka, ku bululamika. Mpawo tu lizi kuti tu jisi bwela kuli Leza, tu jisi lumuno a Leza, tula tambula eco nco tulomba, nkaambo ta tujisi kuzulwa. Ko cipa, Mwami. Mu Zina Iya Jesu Nda lomba. Amen.

Ncibotu. [Mukwesu Branham wabweeda ku cikambaukilo—Mul.]

Ino ncinzi cikonzya kusanzya cibi cangu?
Takukwe cita Bulowa bwa Jesu;
Ino ncinzi cikonzya kundiponya alimwi?
Takukwe cita Bulowa bwa Jesu.

Oh, kukunka kuyandisi
Okokundi tubya mbuli caanda;
Taakwe kasensa kambi nke Ndi zyi,
Takukwe cita Bulowa bwa Jesu.

¹⁰⁵ Mbangaye balimvwa kuti zibi zyanu zyoonse zili kungsi lya Bulowa? Atu yimbe a maanza esu mujulu lino.

Ino ncenzi cikonzya kusanzya cibi cangu?
 Takukwe cita Bulowa bwa Jesu;
 Ino ncenzi cikonzya kundiponya alimwi?
 Takukwe cita Bulowa bwa Jesu.

Lino mbuli mbo tulosya maanza esu, atu sukane maanza cakuzunguluka.

Buyandisi ni . . .

Mbo mbubo, boonse kuzunguluka.

. . . kutuba mbuli caanda;
 Taakwe kasensa kambi nke Ndi zyi,
 Takukwe cita Bulowa bwa Jesu.

Mula Mu yanda? [Mbunga yaamba, “Ameni.”—Mul.] Ameni.

Oh, obo Mbwe yanda Jesu,
 Oh, obo Mbwe yanda Je- . . .

Lino amu kkale anjiyo. Oonse untu ajatilile kuli Leza.

Oh, obo Mbwe yanda Jesu
 Nkaambo Wa kasaanguna kundi yanda.
 Nse kamu siyi . . .



KUVUNWA KUKKWENE TNG59-0712
(A Total Deliverance)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Kunkumunamasamu 12, 1959, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org